



Ministar pravde FBiH u SIPA-i

SASLUŠAN MIKULIĆ!

Ministar znao da je zaštićenom svjedoku u zeničkom zatvoru ugrožen život
• Razgovor trajao dva sata • Ministra Mikulića saslušat će i Tužilaštvo BiH

Ministar pravde FBiH Zoran Mikulić (SDP) saslušan je jučer u zgradi Državne agencije za istrage i zaštitu (SIPA) po na-

redbi Tužilaštva BiH, a u okviru rada na predmetu „Lutka“.

Mikulić je osumnjičen da je počinio krivično djelo ometanja rada pravosuđa i zloupotrebu po-

ložaja. Mikulićeva izjava prosljeđena je Tužilaštvu BiH, koje će ga, kako saznajemo, također saslušati. Podizanje optužnice očekuje se u narednih deset dana. *2. str.*

Page: 1

Reach: 50000

Country: BOSNIA AND HERZEGOVINA

Size: 727 cm2

2 / 2

Saslušan i direktor KPZ-a Sarajevo?

U nastavku rada po ovom predmetu, pripadnici SIPA-e jučer su, u svojstvu osumnjičenoga, saslušali i još jednu osobu inicijala K. K., za koju mediji tvrde da je Kenan Kapo, direktor KPZ-a Sarajevo, dok su još dvije osobe saslušane u svojstvu svjedoka.

- Saslušane osobe službenici su KPZ-a Sarajevo. SIPA nastavlja rad na ovom predmetu radi rasvjetljavanja navedenih krivičnih djela, nakon čega će kompletan predmet biti dostavljen Tužilaštvu BiH - saopćeno je iz SIPA-e.

Narušen kredibilitet

S obzirom na to da je u akciji „Lutka“ priveden i pomoćnik federalnog ministra pravde za izvršenje krivičnih sankcija Hidajet Trako, također osumnjičen za zloupotrebu položaja, Mikulić je kazao da je sada narušen

kredibilitet Ministarstva.

- Ovime je ugrožen ugled Ministarstva, jer nakon ovakvih postupaka Tužilaštva, ko će poštovati pomoćnika ministra za izvršenje krivičnih sankcija - dodao je Mikulić.

Osumnjičeni ministar pravde FBiH saslušan u SIPA-i

Mikulić vršio pritisak da se premjesti zaštićeni svjedok

Ministar znao da je zaštićenom svjedoku u zeničkom zatvoru ugrožen život • Mikulić se branio Zakonom o izvršenju sankcija

Ministar pravde FBiH Zoran Mikulić (SDP) saslušan je jučer u zgradi Državne agencije za istrage i zaštitu (SIPA) po naredbi Tužilaštva BiH, a u okviru rada na predmetu „Lutka“.

On je osumnjičen da je počinio krivično djelo ometanja rada pravosuđa i zloupotrebu položaja. Mikulićeva izjava prosljeđena je Tužilaštvu BiH, koje će ga, kako saznajemo, također saslušati, dok bi se podizanje optužnice moglo desiti u narednih deset dana.

Posebni uvjeti

Mikulić se neposredno prije davanje izjave policijskim službenicima u zgradi SIPA-e branio Zakonom o izvršenju sankcija, u kojem se navodi da se „nakon izdržane jedne trećine kazne zatvora na molbu osuđene osobe ili na prijedlog rukovodioca ustanova, može odobriti premještaj osuđene osobe iz jedne u drugu ustanovu“.

- O premještaju odlučuje Federalno ministarstvo pravde, dakle ne odlučuje ni Dubravko Čampara ni SIPA, niti bilo koja druga paraobavještajna organizacija. Isključivo odlučuje Ministarstvo pravde. Plus što ministar ima diskreciono pravo da, ako ocijeni da postoje neki posebni uvjeti, može i mimo zakona izvršiti premještaj - kazao je Mikulić.

Saslušanje ministra pravde FBiH trajalo je dva sata, tokom čega je, saznajemo, prezentirao okolnosti nezgodnog premještaja zaštićenog svjedoka u složenom predme-



Mikulić jučer na ulazu u zgradu SIPA-e gdje je saslušan

(Foto: F. Fočo)

tu organiziranog kriminala, iz jednog kaznenopopravnog zavoda u drugi, u kojem se zaštićeni svjedok nikako ne smije nalaziti zbog opasnosti za njegovu sigurnost i život.

- Ova osoba već je jednom bila u Zenici, pa je prebačena u Sarajevo. Tada niko nije hapso nikoga. Ali, u svom zahtjevu Dubravko Čampara tražio je od federalnog ministra pravde da tu osuđenu osobu pusti na uslovnu slobodu, jer mu je život ugrožen u Sarajevu. Ko je sada ovdje lud - dodao je Mikulić.

Kako tvrdi naš izvor iz Tužilaštva, ova Mikulićeva argumentacija nema veze s djelom za koje se on tereti. Ali, tvrdi naš izvor, istina je da je zaštićeni svjedok tražio uvjetnu slobodu. Prema zakonu, naime, nakon izdržane polovine ili trećine kazne u posebnim uvjetima može se tražiti uvjetni otpust.

- Svjedok je to tražio. I, s obzirom na saradnju, SIPA i Tužilaštvo dali su mišljenje da mu se treba udovoljiti. Komisija za uvjetni otpust, koju je i formirao ministar, usaglasi-

la se s tim. Ali, to nema nikakve veze s ovim predmetom. Ovdje se ne radi o uvjetnom otpustu, već nezakonitom premještaju zaštićenog svjedoka - kaže naš izvor blizak Tužilaštvu BiH.

Iako se još ne zna motiv zbog kojeg je Mikulić premjestio zaštićenog svjedoka iz sarajevskog u zenički zatvor, naš izvor pojašnjava da je Mikulić dobro znao da je toj osobi ugrožen život.

- Svjedok je godinu u Sarajevu zato što je ugrožen u Zenici, i Mikulić mu je potpisivao

ta rješenja svaka tri mjeseca po zahtjevu SIPA-e i Tužilaštva BiH - dodao je naš izvor.

Nova saslušanja

Također, saznajemo da je zahtjev za premještaj svjedoka iz Sarajeva u Zenicu došao iz sarajevskog zatvora. Ali, naš izvor naglašava da je ustanovljeno da su iz sarajevskog zatvora takav zahtjev poslali pod pritiskom Mikulića.

- On nema ta ovlaštenja niti može narediti da šalju izmišljene zahtjeve - otkrio je naš izvor. **A. ČORBO-ZEĆO**